



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Septem Illustrium Virorum Poemata**

**Amstelodami, 1672**

Ad Guilielmum Furstenbergium, Fratrem suum, Canonicum Trevirensim,  
Paderbornensem & Monasteriensem, Româ per Galliam, ubi Marsiliae  
portu ob pestilentiae suspicionem prohibitus, Telone suspectus, & ...

**urn:nbn:de:hbz:466:1-11215**

Nasoni solitus recitare Propertius ignes,  
Arbitrio illius stetit.

Sic & Apelles Lysippus s̄epe tabellas  
Colore vivo perlitas,  
Signaque Lysippi spirantia doctus Apelles  
Curā recognovit pari.

Nempe minus peccat, præbere fidelibus aurem  
Quicumque præceptis amat.

Nec metuit Bavios, qui sese, judice recto,  
Castigat erroris reum.

Ingenium quicumque suum pluris facit æquo,  
Non æstimandus posteris,  
Aut tineis epulas, aut scombri debet amictum,  
Ridenda vulgi fabula.

## A D

G U I L I E L M U M  
FURSTENBERGIUM,

*Fratrem suum, Canonicum Trevirensem, Paderbornensem & Monasteriensem, Româ per Galliam, ubi Marsilia portu ob pestilentie sufficien-  
nem prohibitus, Telone susceptus, & Lugduni  
gravi postmodum morbo tentatus fuit, in Germaniam ad suos proficiscentem, An. M. DC. LVI.  
Non. Novemb.*

**E**Rgone Tyrrhenum volitanti per mare puppi,  
Et impotentibus Notis  
Credulus, ire paras?

Nec

Nec fœdas hyemes, nec monstra natantia ponto,  
 Nec faxa palles naufraga?  
 Quin etiam fidei  
 Immemor antè datæ, Romam fugis, atque sodales,  
 Et fratis, ô vitâ mihi  
 Frater amabilior,  
 Deseris amplexus votis tua vela sequentis,  
 Ne sœvus illis Africus  
 Ingruat, aut Boreas.  
 Verùm age, quando fugæ certam jam nulla morari  
 Mentem queunt suspiria,  
 Oceanive minæ,  
 I felix, longumque vale, celeremque carinam  
 Regant benigna fidera  
 Fratribus unanimis  
 Tyndaridae, pelagique potens Neptunus eunti  
 Irata componat freta,  
 Nereidumque chorus  
 Adsit, & alma Thetis, dum ventis usque secundis  
 Sparfas per æquor Stœchadas,  
 Phocaicosque sinus  
 Attigeris. mora nulla: petas tunc sospite cursu  
 Optamus urbem, quam celer  
 Alluit hinc Rhodanus,  
 Illinc lensus Arar. Sed quid præfaga futuri  
 Sinistra fata mens timet?  
 Sit, precor, augurii  
 Vana fides, meritisque tuis votisque tuorum  
 Permota, spes Germaniaz  
 Numina respiciant.

Hinc infelici positas in rupe Gebennas  
 Prætervolabis, & juga  
 Plurima sideribus  
 Proxima transgressus, descendes flumine Rheno  
 Beata demum patriæ  
 Arva videre tuæ,  
 Arva olim proavis regnata, & cæde Latinâ  
 Conspersa, quâ Varus gravi  
 Stratus ab hoste jacet.  
 Quos ego nunc plausus audire? quot oscularis  
 Divisa amicis, intimæ  
 Quas videor lacrimas  
 Cernere lætitiae testes? quæ gaudia fratum  
 Terrâ marique devium  
 Fratris iter reducis,  
 Et res optantûm nostras, Italûmque labores,  
 Et facta ALEXANDRI inclyta  
 Noscere? quæ dubiis  
 Narrabis melius rumoribus, ipse fideliis  
 Spectator: ut pulsâ fame  
 Finibus Aufoniæ,  
 Illius auspiciis opulento Copia cornu  
 Bearit urbes, & redux  
 Frugibus arva Ceres:  
 Ut nunc consiliis præsentibus, impiger Hydræ  
 Qualis renascentis caput  
 Amphitryoniades,  
 Infestam Latio pestem premat inclitus Urbis  
 Servator, hinc & patriæ  
 Audiat usque Pater:

Nec tamen has inter curas , terrâque marique

Cretæ laborantis piam

Mittere rebus opem

Cesset , & Europæ convertere bella furentis

In regna latè barbara

Thracis , & exitium.

Hæc & plura tuis memorans , nec vota filebis

Romæ precantî jam diu

Egregio juveni

Virtutis patruæ vestigia sacra legenti ,

Decus Latinæ Purpuræ ,

Et meritos titulos.

Intacti siquidem mores , animusque benignus ,

Ac vena dives ingenI ,

Cultaque Piëriis

Artibus , & Themidos studiis , ac sub lare sancto

Nutrita mens , & indoles

Vivida CHISIADÆ

Spem faciunt , curas partito ac pondera mundi ,

Longos ALEXANDRO fore

Et sine nube dies.